

სახელმწიფო შესყიდვის შესახებ ხელშეკრულება
N1-83

ქ. თბილისი

19 ოქტომბერი 2016 წ.

ერთის მხრივ სსიპ „ბირთვული და რადიაციული უსაფრთხოების სააგენტო“ (შემდგომში „შემსყიდველი“) წარმოდგენილი მისი უფროსის ვასილ გედევანიშვილის სახით და მეორეს მხრივ ფიზიკური პირი ირაკლი კიპაროძე პ/501012007001 (შემდგომში „მიმწოდებელი“) „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ს“ ქვეპუნქტის საფუძველზე, გამარტივებული შესყიდვის საშუალებით დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელიც მიაწოდებს საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1 წინამდებარე ხელშეკრულების საგანს წარმოადგენს: საავტომობილო ტრანსპორტით მომსახურებები CPV60170000 „მიმწოდებელი“ ვალდებულებას იღებს წინამდებარე ხელშეკრულებით გათვალისწინებულ ვადაში შემსყიდველს გაუწიოს შემდეგი სახის მომსახურება: ნეოპლანის მარკის ავტობუსის სახN WW-020-WW დაქირავება მძღოლთან ერთად, 2016 წლის 20 ოქტომბერს მგზავრების გადაადგილება შემდეგი მარშრუტით: ქ.თბილისი-მუხადგვერდი - მცხეთა, ჯვრის მონასტერი- მცხეთა, სვეტიცხოველი - თბილისი.
- 2.2 ხელშეკრულებით გათვალისწინებული მომსახურება უნდა იყოს წინამდებარე ხელშეკრულების 2 მუხლის 2,1 პუნქტის შესაბამისი.

3 ხელშეკრულების ღირებულება

- 3.1 ხელშეკრულების ღირებულება შეადგენს 300,00 (სამასი) ლარს.
- 3.2 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურებასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადებს.

4 ანგარიშსწორების წესი

- 4.1 ანგარიშსწორება მოხდება ლარებში.
- 4.2 გადახდის ფორმა - უნაღდო.
- 4.3 დაფინანსები სწყარო: სახელმწიფო ბიუჯეტი

4.4 ანგარიშსწორება განხორციელდება ფაქტიურად გაწეული მომსახურების მიღება-ჩაბარების აქტების საფუძველზე 10 (ათი) სამუშაო დღის ვადაში.

5 ხელშეკრულების შესრულების კონტროლი

5.1 მიმწოდებელი უფლებამოსილია დაესწროს ინსპექტირების პროცესს.

5.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ინსპექტირება.

5.3 შესყიდვის ობიექტის (მომსახურების) კონტროლს „შემსყიდველის“ მხრიდან განახორციელებს სსიპ „ბირთვული და რადიაციული უსაფრთოების სააგენტო“-ს რადიოაქტიური ნარჩენების მართვის დეპარტამენტის უფროსი გიორგი ნაზახტიანი.

6 საქონლის მიწოდების პირობები

6.1 გაწეული მომსახურება უნდა აკმაყოფილებდეს წინამდებარე ხელშეკრულების 2.1 პუნქტში მითითებულ პირობებს.

6.2 მომსახურების გაწევა მოხდება წინამდებარე ხელშეკრულების 2.1 პუნქტში მითითებული მარშრუტის მიხედვით.

7. შესყიდვის ობიექტის მიღება-ჩაბარების წესი

გაწეული მომსახურების მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება ჩაბარების აქტებზე ხელმოწერის დადასტურებას განახორციელებს სსიპ „ბირთვული და რადიაციული უსაფრთოების სააგენტო“ რადიოაქტიური ნარჩენების მართვის დეპარტამენტის უფროსი გიორგი ნაზახტიანი.

8 პასუხისმგებლობა

8.1 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მხარეს დაეკისრება პირგასამტეხლოს გადახდა - ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით.

8.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.

8.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9 ხელშეკრულების მოქმედების ვადა

წინამდებარე ხელშეკრულება ძალაშია ხელმოწერის დღიდან და მოქმედებს 2016 წლის 30 ნოემბრის ჩათვლით.

10 ხელშეკრულებაში ცვლილებების შეტანა

10.1 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

ხელშეკრულების შეწყვეტა

შემსყიდველს შეუძლია შეწყვიტოს ხელშეკრულება:

ა) თუ მიმწოდებელს ხელშეკრულებით გათვალისწინებულ ვადებში არ შეუძლია გაუწიოს მომსახურება,

- ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული სხვა რომელიმე ვალდებულება ტრანსპორტით გადაადგილებასთან დაკავშირებით.
- გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) მიმწოდებლის გაკოტრების შემთხვევაში;
- ე) საქართველოს კანონმდებლობით გათვალისწინებულ სხვა შემთხვევებში.

11 ფორს-მაჟორი

- 11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 11.2 ამ მუხლის მიზნებისათვის 'ფორს-მაჟორი' ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.
- 11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის განმავლობაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12 სადაო საკითხების გადაწყვეტა

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13 უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

14 ხელშეკრულების ენა

ხელშეკრულება შედგენილია ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

15 შეტყობინების განხორციელება

ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16 გადასახადები და დაბეგვრა

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე, თუ ხელშეკრულებით სხვა რამ არ არის გათვალისწინებული.

17 დამატებითი პირობები

17.1 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.2 ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

19. მხარეთა რეკვიზიტები

შემსყიდველი:


მიმწოდებელი:

სსიპ „ბირთვული და რადიაციული უსაფრთხოების სააგენტო“
მის: ქ. თბილისი, გ. გულუას ქ. N6
საიდენტიფიკაციო კოდი: 204585564
მიმღები ბანკი: სახელმწიფო ხაზინა
მიმღების დასახელება: ხაზინის ერთიანი ანგარიში
ბანკის კოდი: TRESGE22
ტელ: 591 40 40 12

ფიზიკური პირი
ირაკლი კიპაროძე
პ/ნ 01012007001
იურ. მის: ქ. თბილისი, ვარკეთილის მე-4 მკ.რ, მე3 კვ, მე-13 კორპ, ბ41
ბანკი: სს „ბაზის ბანკი“
კოდი: REPLGE22
ა/ა GE15BS000000000010272
ტელ.: 593 63 65 19

ვასილ გედევანიშვილი
სააგენტოს უფროსის





ირაკლი კიპაროძე
ფიზიკური პირი

ხელწერილი
ინტერესთა კონფლიქტის არარსებობის შესახებ


ქ. თბილისი

19 ოქტომბერი 2016 წ

ჩვენ, ქვემოთ ხელის მომწერი ვადასტურებთ, რომ სსიპ „ბირთვული და რადიაციული უსაფრთხოების სააგენტო“ და ფიზიკური პირი ირაკლი კიპაროძე შორის 2016 წლის 19 ოქტომბერს N1-83 სახელმწიფო შესყიდვის შესახებ ხელშეკრულების გაფორმებასთან დაკავშირებულ საქმიანობაში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს.


_____ ვასილ გედევანიშვილი


_____ გიორგი ნაბახტიანი


_____ თამარ გულიაშვილი

მიღება - ჩაბარების
აქტი №1-83/1

ქ. თბილისი

“20” ოქტომბერი 2016 წ.

წინამდებარე აქტი შედგენილია მასზედ, რომ საქართველოს გარემოსა და ბუნებრივი რესურსების დაცვის სამინისტროს სსიპ „ბირთვული და რადიაციული უსაფრთხოების სააგენტო“-სა (“შემსყიდველი”) და ფიზიკური პირი ირაკლი კიპაროიძეს (“მიმწოდებელი”) შორის 2016 წლის “19” ოქტომბერს გაფორმებული სახელმწიფო შესყიდვის შესახებ №1-83 ხელშეკრულების შესაბამისად, მიმწოდებელმა შემსყიდველს გაუწია შემდეგი სახის მომსახურება: ნეოპლანის მარკის ავტობუსის სახN WAW-020-WW დაქირავება მძღოლთან ერთად, 2016 წლის 20 ოქტომბერს მგზავრების გადაადგილება შემდეგი მარშრუტით: ქ.თბილისი-მუხადგვერდი - მცხეთა, ჯვრის მონასტერი- მცხეთა, სვეტიცხოველი - თბილისი.

მომსახურების ღირებულება შეადგენს 300,00 (სამასი) ლარს ყველა გადასახადის ჩათვლით

ჩააბარა:
ფიზიკური პირი:

ირაკლი კიპაროიძე

ირაკლი კიპაროიძე

მიიღო:
სსიპ „ბირთვული და რადიაციული
უსაფრთხოების სააგენტო“
რადიოაქტიური ნარჩენების
მართვის დეპარტამენტის უფროსი

გიორგი ნაბახტიანი

გიორგი ნაბახტიანი